

## ■ GLOSSA

# È quai simplamain d'acceptar

DA SILVIO CAMENISCH

Esche il Signur dals Erintgs predi (via beamer sco quai ch'i vegn dictà mumentan da la strentga moda, jau m'emposs betg, El tuttina realmain preschent en las sontgas hallas) ch'i dettia gieus pitschens, alvs, cun persistenza, mit Nachhaltigkeit, è quai d'acceptar. Suenter ils gieus pon ins cumprar ils gieus sco gieus da famiglia, che plaschan cunzunt a l'ambassadur, jau manegel crai jau intercessur, M. C., da bunas famiglias, sco quai ch'ellas eran, èn puspè en vegnir, e quai è d'acceptar.

Esche il soli sulet che Restass persistent, nachhaltig, dals gieus olimpics èn daivets, daivets, è quai d'acceptar. Daivets dastgi, na, stoi dar, tar events gigantes uschia. Fiss curius, na dessi nagins, avess immediat num ch'ins saja stà racher sco il chantun, il chantun è racherun, haja mantunà, zuppentà en il mender cas emblidà las reservas, reservas, conservas sco ils stgilats Vasellas. La stizun d'armas Vasella n'è qua betg manegiada, betg pertutgada, e quai è d'acceptar.

Esche nus schain ch'i Eduessi dar gieus pitschens ed alvs, cunter il gigantissem en las arenas alvas, è quai er d'acceptar. Pir davant la fatscha dal gigantissem sco quai ch'el vegn demonstrà en las arenas alvas conusch, na, ren-



conusch jau sia vaira grandezza, il CEO e dieu retg dal s. Crap, e quai è simplamain d'acceptar. Ussa, nus essan modests, essan l'aug Sep Modest ed avain previs pitschens ed alvs. Ils trenaments da las cursas aval (speed) tant dals umens sco da las dunnas, tant sco quant, vesessan nus sco ideal sin Tuma Tschelle (75 m) a Domat, e quai è d'acceptar.

U schè maltschec nund controllà sco da la Streif/Hausbergkante giu enten quella val, na vai ussa betg qua, qua betg. Las co-iconas dal skialpin, Bernhard e Matthias, mussan a nus la via, la rapida, nauagiu da la tuma, quai è simplamain d'acceptar. A l'arrivada ha il schurmetg civil, quel dastga vegnir engaschè per da quai, erigì ina tribuna cun sutgas gratuitas! per l'auta prominenz da baselgia e stadi. En successiun tenor vossa schelta, tut na fashain nus betg, e quai è d'acceptar. Quels «auts» da stadi e baselgia vulan vesair ed avair insatge da

la Vonn, la Maze, il Herbst ed il Hirscher.

Esche las destinaziuns Eda skis dal retg dal s. Crap vegnan davent dals pretschs fixads ed introduceschan flexibels, sco tar las societads aviaticas u sco en ils letgs e las lètgs mumentanas, per tirar or daplì dad ellas, las destinaziuns, è quai simplamain d'acceptar. E sche la supervischnanca turistica dal «Stai si, defenda, risguard pretenda!» erigia ussa num da Dieu secundas e terzas ed uschia enavant abitaziuns, flächendeckend!, surengiu fin Schluein ed il Rain da tschella vart si, è quai d'acceptar.

Esche durant l'avertura dals s. gieus duai vegnir manada si l'Uvertura «Guglielm Tell» da Rossini (dir. frar Clau) instagl da 77 Bombay Street cun ils frars da Scharans, davant ils «auts» puspè da baselgia e stadi, en gea ils medems chaus da maiorz, è quai d'acceptar. E sche durant matches da hockey sin glatsch tranter la Russia, Bielorrussia u in'otra Russa animeschan instagl cun «Ka-lin-ka» cun da nossas uraziuns sco «Con gronds eis ti», «La sera sper il lag» è quai simplamain d'acceptar.

Esche la s. Dretgira Enauscha da tschavrist(a)s da Disentis/Mustér na dastgan quella giada ni patratgar ni numnar, maindir truar chaus «auts» dals noss ch'avessan pli che merità, è quai simplamain d'acceptar.